

ԳՐԱԿԱՆՈՍՈՒԹՅՈՒՆ ԵՎ ՌԻՐՈՒՊԻՐԱՅԻԱ

ՍՈՒՐԵՆ ՍՊԱՆԴԱՐՅԱՆԸ ԳՐԱԿԱՆՈՒԹՅԱՆ ԵՎ ԱՐՎԵՍՏԻ ՄԱՍԻՆ¹

Լենինի—Ստալինի դործին անվերապահորեն նվիրված ռևոլյուցիոն գործիչ, բոցաշունչ բոլշևիկ Սուրեն Սպանդարյանի գրականագիտական և տեսական հոգիվածները խոշոր նշանակություն ունեն, ուստի նրանց լույսընծայումը առանձին ժողովածվով միանգամայն ողջունելի է:

Ժողովածուն պատկերացում է տալիս, թե ինչպես աննկուն բոլշևիկ Սպանդարյանը առանձին գրողների ու գրական երևույթների գնահատման ժամանակ ելակետ է ունեցել Լենինի—Ստալինի ուսմունքը արվեստի ու գրականության մասին, որի հիմքում ընկած է պարտիականության սկզբունքը:

Ժողովածվում հոգիվածները դասավորված են ըստ իրենց բնույթի:

«Գրականության մասին» բաժնում տեղավորված են ռուս մեծ գրող Լ. Ն. Տոլստոյի, հայ պրոլետարական բանաստեղծ Հակոբ Հակոբյանի, Ալ. Շիրվանզադեի, ինչպես նաև գրականության պարտիականության և ռուս գրականության գնահատության հարցերին վերաբերող մի շարք հոգիվածներ:

«Հայ պարբերական հրատարակությունների մասին» և «Ժուռնալիստիկա» բաժիններում դետեղված հոգիվածները օգնում են ընթերցողին ավելի լրիվ գաղափար կազմելու իր ժամանակի հասարակական-քաղաքական հուզող հարցերով ապրող, հասարակական ակտիվ գործիչ Սպանդարյանի մասին:

«Թատերական ռեցենզիաներ և ժողովրդական տան մասին» բաժնի հոգիվածները վառ գաղափար են տալիս այն պայքարի մասին, որ մղում էր անձնվեր բոլշևիկը իսկական ժողովրդական թատրոն, ռեալիստական արվեստ ստեղծելու համար:

«Կուլտուրայի, կրթության և ժողովրդական լուսավորության հարցերի մասին» բաժնում բերված հոգիվածները ցույց են տալիս ագիտացիոն-պրոպագանդիստական այն հսկայական աշխատանքը, որ կատարել է Ս. Սպան-

դարյանը աշխատավորության կրթության լուսավորության ուղղությամբ:

* * *

Ս. Սպանդարյանի գրական-քննադատական հայացքները անխզելիորեն կապված են նրա ռևոլյուցիոն գործունեության հետ, այն պայքարի, որ մղում էր նա բոլշևիկյան պարտիայի, Լենինի—Ստալինի գլխավորությամբ:

Ժողովուրդների մեծ առաջնորդ ընկեր Ստալինը, որ իր ռևոլյուցիոն կյանքի ընթացքում առիթ է ունեցել մոտիկից ճանաչելու Սուրեն Սպանդարյանին, ասել է. «Սուրենին մենք չենք մոռանալ Ռևոլյուցիայի համար աշխատեցեք այնպես, ինչպես աշխատում էր Սուրենը»:

Մեծ առաջնորդի այդ բարձր գնահատականում արտացոլված է ռևոլյուցիոն պայքարի այն պայծառ ուղին, որ հերոսաբար անցել է պրոֆեսիոնալ ռևոլյուցիոններ Սուրեն Սպանդարյանի Սպանդարյանի գիտակցական ամբողջ կյանքը բանվոր դասակարգի ազատագրական գործին ծառայելու անձնուրաց օրինակ է:

Զինվորագրվելով Լենինի—Ստալինի մեծ պարտիային, գործելով նրանց անմիջական ցուցումներով, Սպանդարյանն իր մարտական ընկեր և բարեկամ Ստ. Շահումյանի հետ միասին, չնայած ցարական ռեակցիայի և կոնտրռևոլյուցիայի ստեղծած բոլոր արգելքներին, պայքար էր մղում ռևոլյուցիայի վերջնական հաղթանակի համար, ժողովուրդներին ազատության, անկախության և բարեկամության համար:

Բոցավառ սեր դեպի Լենինի—Ստալինի մեծ պարտիան, անսասան հավատ դեպի սոցիալիստական ռևոլյուցիայի վերջնական հաղթանակը—ահա այն ամենագոր ուժը, որ միացնում էր Սպանդարյանին և Շահումյանին և հանդիսանում էր նրանց մտերմության հիմքը:

Ստ. Շահումյանը, 1916 թվին, բնութագրելով Ս. Սպանդարյանի հերոսական կյանքն ու գործունեությունը, գրում էր. «Սպանդարյանի

¹ Սուրեն Սպանդարյան, Հոգիվածներ գրականության, արվեստի, կուլտուրայի և կրթության մասին: Կաղմեց՝ Վ. Ավետիսյան: Հայպետհրատ, Երևան, 1949:

¹ В. Швейцер, Сталин в Турханской ссмлжк, стр. 44.

քաղաքական հոգևոր ուսուցիչները չեն եղել և չէին կարող լինել Ստ. Նազարյան, Արծրունի, Բաֆֆի, Քրիստ. Միքայելյան: Նրա հոգևոր հայրերն ու ուսուցիչները եղել են Չերնիշևսկի, Բելինսկի, Պլեխանով և ապա Մարքս, էնգելս...

Պրոլետարական բանաստեղծ Հ. Հակոբյանը ասել է, որ Սպանդարյանը «մեկն էր այն հազարավորներից, որոնք կարմիր շապիկով են ծնվում և ճերմակ սավանի մեջ մեռնում դաժան ցրտաշունչ հյուսիսում...»:

Ե. Կյանքի վերջին օրերը Տուրուխանյան դաժան աքսորում անցկացրած Սպանդարյանը, չնայած սոսկալի սառնամանիքներին և կարիքին, մեծ Ստալինի անմիջական ցուցմաներով, ծավալում է ռևոլյուցիոն եռանդուն պայքար, Մոսկովյան գյուղերում դարձնելով Սիբիրում աքսորված բոլշևիկ աքսորականների պարտիական-քաղաքական աշխատանքի կենտրոնը:

2. Լ. Շվեյցերը իր հիշողությունների մեջ խոսելով Ս. Սպանդարյանի կյանքի վերջին օրերի մասին, գրում է. «Սուրբնը մեռնում էր... բայց մահանալիս էլ նա միշտ մտածում էր այն մասին, ինչին որ տվել էր նա իր սքանչելի կյանքն առանց մնացորդի: Նա խնդրում էր ինձ գրել Ստալինին, որ ռևոլյուցիան Ռուսաստանում արդեն հասունացել է, որ ցարական բանակը քայքայվում է, որ «Ռեվոլյուցիան կանգնած է 17 թվի շեմքին...»:

Վաղոնում գառանցանքի մեջ նա կրկնում էր «կանգնեցեք Լենինի դրոշի տակ»: Եվ նույն այս բառերը շուրթերին դադարեց բարախելուց բոլշևիկի սիրտը»:

Իր գաղափարական ընկերներից և հարազատներից բաժանված, խստաշունչ Սիբիրում գտնված Ս. Սպանդարյանը հանդիպելով ընկեր Ստալինին, պայքարի նոր լիցք է ստանում, ավելի է զոտեպնվում և խանդավառվում իր մղած ռևոլյուցիոն պայքարում:

* * *

Օրինակ վերցնելով բանվոր դասակարգի հանճարեղ առաջնորդներ Մարքսի, էնգելսի, Լենինի, Ստալինի աշխատանքի մեծ փորձից, Ս. Սպանդարյանն իր մղած ռևոլյուցիոն պայքարի ընթացքում հաճախ է դիմել գեղարվեստական զրականությանը, օգտագործել այն իր քաղաքական պրակտիկ աշխատանքում:

Լենինյան-ստալինյան պարտիականության

¹ Ստ. Շահումյան, Ընտիր երկեր, 1949 թ., էջ 424:

² «Պայքար», 1916 թ., № 38:

³ Комсомольский пропагандист и агитатор № 13 (17), 1937 г.

սկզբունքով մոտենալով հասարակական կյանքի և զրականության հարցերին, Ս. Սպանդարյանը բազմաթիվ հետաքրքրական փաստերով մերկացնում էր բուրժուական վեղարավոր էսթետների այն կեղտոտ սուտը, թե իր կարող է քաղաքական-հասարակական գործիչ-մտածող լինել, առանց այս կամ այն պարտիային պատկանելու:

1911 թվին «Листок-Копейка» թերթում հրատարակած իր «Պարտիականության և անպարտիականության մասին» հոդվածում Ս. Սպանդարյանը գրում է. «... յուրաքանչյուր հասարակական գործիչ պետք է ունենա գործունեության այս կամ այն ծրագիրը, այս կամ այն «հավատո հանդանակ», հասարակական գործերի և սրանց ուղղության տեղեկությունների այս կամ այն հասկացողությունը: Հասարակական գործիչն առանց սոցիալ-քաղաքական որոշ դեմքի՝ դա, գերմանացիների արտահայտությանը, մի դատարկ աղիք է, որ կարելի է լցնել ինչով ուզես, դա մի հողմացույց է, որ դառնում է քամու ուղղությանը, դա մի ոչնչություն է, որի վրա կարող են ադդել բոլորն ու ամեն ինչ, վերջապես դա ամենադժվար օպորտունիստն է, որի ամբողջ քաղաքականությունը հանդում է մոմենտին հարմարվելուն և այն էլ՝ նվազագույն դիմադրության դժոխք»:

Ինչպես ճիշտ կերպով նկատում է Ս. Սպանդարյանը, չկա ապահասարակական մարդ և զրական գործիչ, հասարակական կյանքում գոյություն ունեցող կամ ստեղծվող ամեն մի երևույթ կապված է այս կամ այն դասակարգի՝ այս կամ այն խմբակցության քաղաքական աշխարհայնությունների հետ, իր հիմքում պարտիական է, ծառայում է տվյալ դասակարգի ձգտումների իրականացմանը:

Ս. Սպանդարյանն իր փորձիչյալ հոդվածը գրելիս որպես ուղեցույց ծրագիր ունեցել է Լենինի «Պարտիական կազմակերպություն և պարտիական գրականություն» հուշակավոր հոդվածը (1905 թ.), որի մեջ զրականությանը դիտելով որպես պրոլետարիատի իդեոլոգիական պայքարի զենքերից մեկը, Լենինը գրում է. «Գրականությունը պետք է դառնա պարտիական: Որպես հակակշիռ բուրժուական բարքերին, որպես հակակշիռ բուրժուական ձեռնարկատիրական, չարչիական մամուլին, որպես հակակշիռ բուրժուական զրական կարիքի դիմին ու ինդիվիդուալիզմին, «ազայական անարխիզմին» և շահամոլությանը, — սոցիալիստական պրոլետարիատը պետք է

¹ Ս. Սպանդարյան, Հոդվածներ զրականության, արվեստի, կուլտուրայի և կրթության մասին, 1949 թ., էջ 21:

առաջագրի պատկերակաճ գեղեցկությունը սկզբունքը, դարգացնել այդ սկզբունքը և հնարավորության չափ ավելի լրիվ և ավելի ամբողջական ձևով կենսագործել այն»¹։

Այսպիսով, ի հակադրություն բուրժուական արվեստը արվեստի համար լողունգի, ըստ որի գրականությունը դառնում է ժողովրդից կտրված, մի խումբ մոնոպոլիստների սեփականություն, պրոլետարիատը առաջ է քաշում արվեստը հասարակության, ժողովրդի համար լողունգը, ձգտում է գրականությունը մոտեցնել լայն մասսաներին, դարձնել այն աշխատավորության օրինական սեփականությունը։

«Հայ, իսկապես դեմոկրատական ինտելիգենցիան—գրում է Ս. Սպանդարյանը—պետք է գրականությունը մոտեցնի ժողովրդին, այն դարձնի ժողովրդական՝ բառիս լայն իմաստով և այն ժամանակ իրենց գրողներին կմեծարեն բնակչության լայն խավերը և առիթ չի լինի աղաչելու հայ բուրժուաներին, որ «հանուն հայրենիքի սիրո և աղօթյան հպարտության» բանան իրենց տողած քսակը»²։ Որպես աշխատավորության շահերով մտահոգված ռեյոլցիոն գործիչ, Ս. Սպանդարյանը կոչ է անում հայ առաջավոր ինտելիգենցիային՝ ինչպես գրականության, այնպես էլ հասարակական կյանքի մյուս բնագավառներում «անմիջականորեն և ընդհուպ մերձենալ ժողովրդական մասսաների իսկական կարիքներին ու ցավերին»³։ Այդ նշանակում է պայքար ծավալել ժողովրդի կյանքը ռեալիստորեն պատկերող գրականության համար, այնպիսի գրականության, որի մեջ տիպականորեն և ճշմարտացիորեն արտացոլվի ժողովրդական մասսաների մղած ազատագրական պայքարը, այդ պայքարը գլխավորող առաջավոր դասակարգի՝ պրոլետարիատի վերջնական հաղթանակը։ Այդ նույն ձևով էր դնում հարցը Ստ. Շահումյանը⁴։ Աղայանի գրական-հասարակական գործունեության 40-ամյա հոբելյանի առթիվ արտասանած իր հայտնի ճառում։

Պարտիական սրբությամբ գրված այդ հոգվածում Շահումյանը պահանջում էր գրականությունը դարձնել «հասարակական, ժողովրդական» խավերի սեփականություն, այն ծառայեցնել աշխատավորության շահերի պաշտպանությանը։

Ժողովրդական առաջավոր գրականություն և արվեստ ստեղծելու հարցը Սպանդարյանն առաջ է քաշում իր մի շարք հոգվածներում⁵։

գրված Թրիլիսիի Ձուբալովի անվան ժողովրդական տան թատերական ներկայացումների առթիվ։ Իրեն հատուկ կրթությունամբ քննադատելով Ձուբալովի անվան ժողովրդական տանը տրված կաֆե-շանտանային գոեհիկ ներկայացումները, Սպանդարյանը գրում է. «Ժամանակն է, որ պրոֆեսիոնալ դերասանների մասնակցությամբ ներկայացումներ դնելու միջոցով ըստ քաղաքային ինքնավարության կից հասուկ հանձնաժողովի հավանած ապերտուարի, ժողովրդի համար ստեղծվի իսկապես զեղարվեստական թատրոն և ոչ թե ժողովրդական դվարճության այնքան լուրջ գործը դարձվի «սիրողների մարզանքներ» նրանց բեմական հակումները բավարարելու համար։

Բուրժուական ռեակցիոն գրականության և միստիցիզմի դեմ Ս. Սպանդարյանի գրած հոգվածների մեջ աչքի է ընկնում «էքս-վարդապետ Երվանդը և Պ. Ի. Պիճիկյանը» հոգվածը։ Սուր քննադատության ենթարկելով պահպանողական Պ. Պիճիկյանին՝ նրա «էջմիածինը և հայկական մամուլը» հոգվածի համար, որի մեջ շոայլորեն պնդաբարգված է էքս-վարդապետ Երվանդը (Ե. Տեր-Մինասյան), Ս. Սպանդարյանը քաղաքական սարկազմի է ենթարկում Ե. Տեր-Մինասյանի «Հայկական եկեղեցու վերածնունդը» հոգվածը, ցույց տալով նրա քրիստոնեական «փիլիսոփայության» զավեշտական էությունը։

Ընչպես Ս. Սպանդարյանն է գրում՝ «էքս-վարդապետ Երվանդը... կրոնին մոտենում է այնպիսի թեթևամիտ տեսքով, փիլիսոփայական և սլատակական այնպիսի թեթև բազաժով, որ ալամայից անհարմար ես զգում այն լսաբանի, այսինքն հայ հասարակության փոխարեն, որ կարող է գրել երանավիճել այս՝ բոլոր տեսակետներից անգրագետ գրքույկի առթիվ»⁶։

էքս-վարդապետ Երվանդի նպատակն է, ինչպես դիպուկ ծաղրով ասում է Ս. Սպանդարյանը, «տերտերներին աշխարհական դարձնել, իսկ բոլոր աշխարհականներին՝ տերտերներ»։

Ուշագրավ են Ս. Սպանդարյանի հոգվածները, գրված հայ մեծանուն գրող Ալ. Շիրվանզադեի գրական գործունեության 30-ամյա հոբելյանի առթիվ (1911 թ.)։ Սրտանց ողջունելով Ալ. Շիրվանզադեի հոբելյանի առթիվ ծավալվող նախապատրաստական աշխատանքը, Ս. Սպանդարյանը հանձնաժողովի առաջ խնդիր է դնում մեծ վիպասանի գրական գործունեության 30-ամյա հանդեսին լայնորեն

¹ Վ. Ի. Լենին, Երկեր, հատ. 10, էջ 40։

² Ս. Սպանդարյան, Հոգվածներ, էջ 45։

³ Նույն տեղում, էջ 40։

⁴ Նույն տեղում։

⁵ Ս. Սպանդարյան, Հոգվածներ, էջ 47։

մասնակից դարձնել ընթերցող հասարակությանը, ժողովրդին, որը միակ ճիշտ գնահատողն ու մեծարողն է հանդիսանում յուրաքանչյուր խոշոր գրողի և արվեստագետի:

Բուրժուական հասարակարգում, ինչպես նշում է Ս. Սպանդարյանը, «հորեկյանները չեն կրում ժողովրդական բնույթ, այլ հանդիսանում են մի բուռ մարդկանց գործ»:

Սպանդարյանը լավ բութնելով Ալ. Շիրվանզադեի հորեկյանի առթիվ հայ բուրժուազիայի («հորեկոնականներին») կողմից մամուլում բարձրացված աղավաղված և իրարանցման իմաստը, գրում է. «... գուցե Շիրվանզադեի երկերում արծարծվող զաղափարները, որոնք դուրս չեն գալիս ամենասովորական միջանական լիբերալիզմի սահմաններից, «հորեկոնականների» համար հանդիսանում են առաջադիմության վերջին խոսք, բայց համեմայն դեպք թերթի այդ պնդումը ճիշտ չէ, հենց այն պատճառով, որ չի պարունակում պատմական ճշմարտություն...»¹

Ս. Սպանդարյանը չբացասելով Ալ. Շիրվանզադեի բարձր տաղանդն ու այն ռեալիստական մեթոդները, որ կատարել է նա բուրժուական հասարակության նկատմամբ, քննադատության է ենթարկում Շիրվանզադեի ստեղծագործությունում և հասարակական կյանքում արտահայտված լիբերալիզմը, դեպի խոշոր բուրժուազիան ունեցած նրա պահպանողականությունը, որի համար և նրան քրծում, «մեծարում» էր բուրժուական ծախված մամուլը: Այդ տեսակետից բոլշևիկ քննադատը հիշեցնում է այն տխուր փաստը, թե ինչպես Շիրվանզադեի հորեկյանական հանձնաժողովի նախագահ էր նշանակված հայտնի նավթարդյունաբերող Մանթաշե:

Ուշագրավ է Ս. Սպանդարյանի «Գրախոսականը» (1911 թ. «Листок-Копейка»)՝ զբրված պրոլետարական մեծ բանաստեղծ Հ. Հակոբյանի «Նոր առավոտ» պոեմի մասին: Ս. Սպանդարյանը համոզիչ կերպով ցույց է տալիս Հ. Հակոբյանի պոեզիայի ինքնատիպությունը, մի պոեզիայի, որն, ինչպես նա է ասում՝ «թմրահայրենասիրական» թեմաներից անցել է «համամարդկային բնույթ կրող բոլորովին նոր մտքի փերի»՝ «Նոր առավոտ» պոեմի զաղափարական էությունը Ս. Սպանդարյանը միանգամայն ճիշտ կերպով համարում է «ինդիվիդուալ և հասարակական ձգտումների ընդհարումը անհատի մեջ», վերջիններիս անխուսափելի հաղթանակը՝ Հ. Հակոբյանի ստեղծագործությունը տրված այդպիսի գնահատա-

կանր բխում է Ս. Սպանդարյանի բոլշևիկյան աշխարհըմբռնումից, հարցի մարքսիստական և ճիշտ կողմնորոշումից: Այդպես բարձր է գնահատել և արժեքավորել Հակոբ Հակոբյանի «Նոր առավոտ» պոեմը նաև Ստ. Շահումյանը: Ս. Սպանդարյանի և Ստ. Շահումյանի անկեղծ վերաբերմունքը դեպի Հակոբ Հակոբյանը միանգամայն հասկանալի է: Գնահատել և պաշտպանել Հակոբյանին, նշանակում էր կործանիչ հարված հասցնել հայ բուրժուական նացիոնալիստներին, բոլոր նրանց, ովքեր արհամարհելով և վիրավորելով Հ. Հակոբյանին, նսեմացնելով նրա ստեղծագործությունը, փաստորեն արդել էին հանդիսանում հայ պրոլետարական պոեզիայի սկզբնավորմանն ու զարգացմանը Ս. Սպանդարյանը և Ստ. Շահումյանը մեծապես օգնում էին հայ պրոլետարական դրականությանը: Դրա փայլուն ապացույցն է հանդիսանում Հ. Հակոբյանի և նրա զրչակից բնկերների (Մ. Արադի, Ան. Վարդանյան, Մ. Գետրոսյան և այլն) կողմից ծավալած այն նոր գրական շարժումը, որը կայուն հիմք դրեց հայ պրոլետարական գրականությանը:

* * *

Մեծ արժեք են ներկայացնում Ս. Սպանդարյանի գիտողություններն ու կարծիքները ռուս գրականության և արվեստի մասին: Սպանդարյանը ոչ միայն բարձր է գնահատել ռուս գրականության դերն ու նշանակությունը հայ կուլտուրայի զարգացման համար, այլև օգտագործելով ռուս կլասիկ գրողների խոսքերն ու ասույթները, իր քաղաքական պոլեմիկան դարձրել է ավելի շեշտակի և ղիպուկ:

Բուրժուական երկերեսանիւնների՝ կադետների դեմ գրած իր «Քաղաքական ակնարկներ» հոդվածաշարքը Ս. Սպանդարյանն ավարտում է պրոլետարական մեծ գրող Մ. Գորկու «Մորկահավի երգի» հետևյալ մարտական խոսքերով. «Բարձրանում է ռուսացիայի ալիքը, թկսվում է մակընթացությունը. թող շուտ պայթի փոթորիկը»¹ Ոչնչացնող հարված հասցնելով Մ. Գորկու թշնամիներին՝ լիբերալ բուրժուական գրչակներին, Սպանդարյանը գրում է. «Կան շատ սովորական լիբերալ ճիշեր, ֆանատիզմի, աղանդավորության մասին, կա Մ. Գորկուն կրունկից կծելու փորձ: Մի խոսքով բուրժուական լրագրական երգի-հոնի ռեպերտուարը»²

Հետաքրքրական է Սպանդարյանի «Մ. Գոր-

¹ Ս. Սպանդարյան, Հոդվածներ, նամակներ, փաստաթղթեր, 1939 թ., էջ 101:

² Նույն տեղում, էջ 91:

կին դաստիարակության մասին» հոդվածը, որի մեջ նա կոնսպեկտի է ենթարկել կոմունիստական դաստիարակության մասին մեծ դրողի դասախոսությունը՝ Մ. Գորկու նկատմամբ Ս. Սպանդարյանի և Շահումյանի գնահատականը ելնում է լենինյան դրույթներին:

Ս. Սպանդարյանը և Ստ. Շահումյանը «կայծ», «Նոր խոսք» և «Պայքար» թերթերում համառ պայքար ծավալելով բանվոր դասակարգի թշնամիներին դեմ, մեծ չափով օգտագործում էին Մ. Գորկու ուղղությունը շրջով գրված ստեղծագործությունները:

1906 թվին կադետների դեմ ուղղված հոդվածներին մեկում «կայծ» թերթը գրում է. «Ազատության երգիչ Գորկին իր «Բաղբի երգը» գրվածքում բաղբի բերանով ասում է օձին. «Սողալու սովորը թռչել չի կարող»: Նույնը պիտի ասել առհասարակ մեր, այսպես կոչված, «ժողովրդական ազատության» կուսակցության մասին ընդհանրապես և մեր Թիֆլիսի «կադետներին» մասին մասնավորապես: Նույն թվականին կադետների դեմ ուղղված մի այլ հոդվածում «Նոր խոսք» թերթը գրում էր. «Հերիք է ինչ տարանք երկշտ կադետների, այդ «հիմար պինզվիններին» հեղեմոնիան, որոնք իրենց ճարպոտ մարմինները վախկոտությանը թաքցնում են ապառաժներում»: «Թող ուժգին թնդա փոթորիկը»:

Ս. Սպանդարյանը նույնպիսի սրտառուչ տոգեր ունի նվիրած ուկրաինական ժողովրդի մեծ բանաստեղծ Տ. Դ. Եվկենկոյին: Զայրույթով արտահայտվելով մեծանուն բանաստեղծի մահվան 50-ամյակի օրը Թբիլիսիի Զուբալովի անվան ժողովրդական տանը տրված բուլվարային, ցինիկ ներկայացումների առթիվ, Ս. Սպանդարյանը խստորեն դատապարտում է չփացած մեծատունների խայտառակ վերաբերմունքը, Շեվչենկոյին համարելով «ուկրաինական մեծ բանաստեղծ, բաղմատանջ պոետ, ժողովրդական գուսան»:

Ս. Սպանդարյանի մարքս-լենինյան գրականագիտական ըմբռնումները ավելի ցայտուն են դրսևորվել Լ. Ն. Տոլստոյի մասին գրած փոքրածավալ, բայց խիստ աշագրավ հոդվածներում:

Ինչպես հայտնի է, 1908 թ. հոշակավոր դրոգի ծննդյան 80-ամյակի շուրջը բարձրացրած աղմուկը մի անգամ ևս մերկացրեց բուրժուական մամուլի կեղծ դեմքը, նրա բռնած արատավոր դիրքը Տոլստոյի ժառանգության գնահատման հարցում:

Բաբվի կադետների օրգան «Баку» և «Бакинский листок» թերթուկները սկսեցին իրենց հերթական բարբաջանքները բուլշե-

կյան «Бакинский рабочий» թերթի դեմ, տարածելով այն լկտի հերյուրանքը, թե իրր բուլշեիկները ժխտում են Լ. Ն. Տոլստոյի ստեղծագործության համաշխարհային նշանակությունը: Նույն թվականին «Бакинский рабочий» թերթում լույս է տեսնում Ս. Սպանդարյանի «Ազնիվ դայրույթ» հոդվածը (1908 թվին), որի մեջ բուլշեիկյան կրքոտությանը պաշտպանելով լենինյան տեսակետը Լ. Ն. Տոլստոյի մասին, Սպանդարյանը վրդովված հարցնում է. «Ինչի համար են Ն. Լենինի ասածները անպատկառ կերպով աղավաղում և փոխ առած համեմատություններ կատարում գրաժողովին հետ...»¹ Ուղենիշ ունենալով Լենինի «Լև Տոլստոյը որպես ռուսական ուղղության հայելին» հանճարեղ հոդվածի այն տողերը, թե «Մի կողմից հանճարեղ գեղարվեստագետ, որ տվել է ոչ միայն ռուսական կյանքի անգուգական պատկերներ, այլև համաշխարհային գրականության առաջնակարգ երկեր: Մյուս կողմից՝ ի բրիստոս խենթացյալ... բռնությանը «չարին չհակառակելու» կրոնական քարոզ»,² Ս. Սպանդարյանը, ի լուր ամենքի, հրապարակորեն հայտարարում է լենինյան գնահատականի ճշմարտացիությունը, միևնույն ժամանակ խիստ դատապարտում Տոլստոյի գնահատման հարցում արտահայտած լիբերալ բուրժուական «օրեկտիվիզմը»: Նա պարզապես գրում է. «Մենք Տոլստոյին չենք գնահատել իրր խոսքի արվեստագետի, իրր մարդկային հոգին ճանաչողի, այս առթիվ երկու կարծիք չի կարող լինել: Մենք նրան գնահատել ենք իրր քարոզչի, իրր «նոր» կյանքի ուսուցչի—գտել ենք, որ նրա ուսմունքը ֆասսակար է, ռեակցիոն, չի համապատասխանում պրոլետարիատի շահերին, ձեռնտու է բուրժուազիային»:

1911 թ. գրած իր մի այլ հոդվածում («Մեծարանք, թե ռեկլամ») Ս. Սպանդարյանը խոսելով Թբիլիսիի բուրժուական փաստաբանների կողմից «Հարություն» վեպի հերոս Նեխլուդովի շուրջը կադմակերպած «դրական դատի» մասին, քարը քարի վրա չի թողնում, հասարակության լայն խավերին ներկայացնելով բուրժուական շաղկրատների սարքած «աբլորակոչվը»:

«Դա հասարակությանը դվարճացնող մի «աբլորակոչիվ» էր: Մտքի աղքատություն, աշխարհայացքի բացակայություն, աղքատություն գրական տեսակետից,—գրում է Ս. Սպանդարյանը,—ահա Լ. Ն. Տոլստոյին տե-

¹ Ս. Սպանդարյան, Հոդվածներ, էջ 9:

² Վ. Ի. Լենին, Գրականության մասին, էջ 59—60, 1948 թ.:

դական փաստաբանների կողմից մեծարելու արդյունքը»¹

Ս. Սպանդարյանը դառնացած սրտով արտահայտվելով ստոլիպինյան դաժան բռնությունների մասին, կոչ է տնում ամեն կերպ փրկել կորստից ռուս ժողովրդի զրականությունն ու արվեստը, որ ցարիզմը դարձրել է «ռուսաց պատմության խորթ զավակը... նրա մեծ նահատակը»²

Ռուս գրականությունը համարելով աշխարհի մեծ և առաջավոր գրականությունը, որ վիթխարի դեր է կատարել և կատարում է ոչ միայն Նվրոպայի, այլև Ասիայի, այդ թվում հայ ժողովրդի կուլտուրական զարգացման մեջ, Ս. Սպանդարյանը յուրաքանչյուր ազնիվ քաղաքացու պարտքն է համարում բոլոր ուժերով պաշտպանել ռեակցիայի հարվածներից «բազմաշարժար ռուս գրականությունը... Ազգային պարծանք և գանձարան հանդիսացող մեր աշխարհնվաճած գրականությունը...», որը «իր սեփական տանը հրապարակային դատապարտության է ենթարկվում»:

Որքան անկեղծութուն և ճշմարտութուն կա Սպանդարյանի վերոհիշյալ խոսքերի մեջ, չայլ բազմաթիվ առաջավոր գրողներ (Ս. Սրովյան, Մ. Նալրանդյան, Հ. Թումանյան, Հ. Հովհաննիսյան, Ավ. Իսահակյան և այլն), որոնք իրենց ստեղծագործության ճանապարհին մեծ չափով օգտվել են ռուս կլասիկ գրականությունից, մեծագույն սիրով և երախտագիտությամբ են արտահայտվել ռուս գրականության համաշխարհային դերի և նշանակության մասին: Ռուս մեծ գրականությունը, ռուս և հայ գրական կապերը ոչ միայն նպաստել և նպաստում են հայ գրականության զարգացմանը, այլ, որ ամենակարևորն է, նպաստել և նպաստում են երկու եղբայրական ժողովուրդների բարեկամության և համագործակցության ամրապնդմանը, որի նշանակությունն ինչպես անցյալում, առավել այժմ՝ հսկայական է:

Պատահական չէ, որ գեռ 1911 թվին Ս. Սպանդարյանը գրում է. «Ռուս գրականու-

թյունը նվաճել ու գրավել է ամբողջ աշխարհը, իսկ ռուսական գիտությունը պատվավոր տեղ է բռնել մյուս երկրների շարքում»¹ Ռեակցիայի շրջանում գրած իր հոդվածներում Ս. Սպանդարյանը բազմիցս վկայակոչելով ռուս ռեուլուցիոն դեմոկրատներ՝ Բելինսկուն, Չերնիշևսկուն, Գերցենին, Օգարին և մյուսներին, որոնք, ինչպես նա է ասում, «իրենց սրտի արյունը, իրենց ջղերի հյուսքը ի սպաս են գրել կրտսեր եղբոր, իրենց երկրի լուսավորության ու ազատագրման գործին»², կոչ է անում՝ ոչնչացնել ցարիզմը և ստեղծել պրոլետարական դիկտատուրա:


Ինչպես տեսնում ենք, մարտնչող բոլշևիկ Ս. Սպանդարյանը գրականության և արվեստի դիրքերից նույնպես անվրեպ կրակել է բանվոր դասակարգի թշնամիների դեմ, մինչև վերջը մերկացրել նրանց հակաժողովրդական պլանները, անձնվիրաբար պաշտպանել Լենինի—Ստալինի պարտիայի քաղաքականությունը:

Ս. Սպանդարյանի «Հոդվածներ» ժողովածուն ունի ռուսացողական և դաստիարակչական մեծ նշանակութուն: Հայ մարքսիստական գրականության մեջ Ս. Սպանդարյանը, ինչպես նաև Ստ. Շահումյանը, այն առաջին և խոշոր դեմքերն են, որոնք շարունակելով մեծ ռեուլուցիոն դեմոկրատ Մ. Նալրանդյանի քննադատական դպրոցի առողջ տրադիցիաները, հասարակական կյանքի նոր պայմաններում, մարքս-լենինյան լույսի տակ, դարգացրին և բարձրացրին նոր աստիճանի վրա:

Անհրաժեշտ է մոտիկից և հանգամանորեն ռուսումնասիրել Լենինի և Ստալինի հավատարիմ գինակից, անմոռաց Ս. Սպանդարյանի կյանքն ու ստեղծագործությունը և մասսաների սեփականությունը դարձնել բոցաշունչ բոլշևիկի թողած անմահ ժառանգությունը:

Ժողովածուն կազմված է խնամքով և գիտական բարեխղճությամբ:

Ս. ՍԱՐԳՍՅԱՆ



¹ Ս. Սպանդարյան, Հոդվածներ, էջ 11:

² Նույն տեղում, էջ 13:

¹ Ս. Սպանդարյան, Հոդվածներ, էջ 10:

² Նույն տեղում, էջ 18: